

We are not alike, u r right Ibrahim al - Amine

يلي بيقروني بالعادة رح يعرفوا انو هيدا بوست جدي مش تهكمي لا سمح الله.

السلام بيمرق بالمحبة والمحبة ضرورية للمصارحة، والمصارحة ضرورية بلبنان بظل بالتعددية، ومن هون: مبروك للمنتصرين.

بس للصراحة، كيف وليش وأمتين شفتوا النصر ما خصنا. حقيقتكن وهم النا وحقيقتنا وهم الكن: اهلن وسهلن في التعددية.

"الكن"، مش الطايفة الشيعية. كتار بيتذكروا ياسر عرفات رافع اشارة النصر وهو مكحوش من طرابلس سنة ١٩٨٢ (لقبت الصورة عبر الغوغل ع موقع القوات)، وكلنا منعرف الدروز وتقيتّن وبآخر النهار وين بصقوا وهيدا حقن. نحننا مش قادرين نقنعكن بشي بقا. ولا قادرين نلحقكن: بكرا اذا تحركت تركيا، منرجع لنفس الدوامة.

من هون بتوجه للكنعانيين بس:

كتب جبران لكم لبنانكم ولي لبناني.

الى اخوتي الكنعانيين،

لهم أمتهم ولنا أمتنا

لهم عقيدتهم ولنا عقيدتنا

لهم "سعداؤهم" ولنا شهداؤنا

لهم "شرعة حقوق الانسان في الاسلام" ولنا "شرعة حقوق الانسان الصادرة عن الامم المتحدة" (ولبنان ماضي عالتنين: كيف دولة بتمضي ع شرعتين لحقوق الانسان وممكن اطبق التنتين؟؟)،

لهم اعداؤهم ولنا اعداؤنا (ما بيمنع يكون في اعداء مشتركين)،

لهم حلفاؤهم ولنا حلفائنا،

لهم شريعتهم ولنا شرائعنا،

لهم تكليفاتهم الشرعية ولنا دستورنا،

واللائحة تطول.

يلي بيجمعنا هو يلي أخذوا منا لمن احتلونا وتشاركوا الجغرافيا معنا عبر القرون. فينا نختلط بس ما فينا ننصهر.

مبارح كتب ابراهيم الامين بالاخبار:

"هؤلاء، بصراحة ومن دون موارد، لا يشبهوننا أبداً. وحقيقة، يجد المرء صعوبة في مجرد التفكير أنه يعيش معهم في هذا البيت اللبناني. ويُصبح المشهد سورالياً عند التفكير في أنه مكن بناء دولة واحدة معهم، أو صياغة دستور مُوحد معهم، أو حتى سنّ قوانين تنظم الحياة اليومية، أو بناء سياسة دفاعية، أو شكل العلاقات الداخلية والخارجية. وليس من باب المكابرة أو حتى الاستفزاز، أن نكون صريحين إلى أبعد الحدود بالقول إنه سيكون من الصعب التعايش مع هذه الفئة من البشر، والتي جربناها خلال أكثر من خمسين سنة، وتبيّن أنها لا تملك فكراً بعيداً من فكر الاستعمار، وأن مشروعها يقوم على العنصرية والتمييز وعدم رؤية الآخر إلا خادماً لها، ولا تحب الخير للناس من حولها، ولا تريد لهم التقدم والتطور ولا أن يصلوا إلى حقوق تجعلهم في حالة مُساواة معها.

سيكون من الصعب التعايش مع فئة من البشر جربناها لأكثر من خمسين سنة وتبيّن أنها لا تملك فكراً بعيداً من فكر الاستعمار."

ومع حق. كيف قبلانين تعيشوا معنا؟ نحن عار اليكن.

ما تعارضونا بس نقلكن "تقسيم".

اما الفدرالية، فبدها شروط مش متوفرة حالياً.